

**Ամերիկյան հոգեբանական ասոցիացիայի  
Միջազգային հոգեբանության բաժանմունքի  
համառոտ պատմությունը**

**Ջոն Հոգան (պատմաբան)  
Հարոլդ Թաֆուջյան (բաժանմունքի պրեզիդենտ)**

Բազմաթիվ տարիների նախապատրաստական աշխատանքից հետո, 1997 թվականի փետրվարի 21-ին Ամերիկյան հոգեբանական ասոցիացիայի (ԱՀԱ) առաջնակարգ մասնագետների կողմից հիմնադրվեց ԱՀԱ-ի 52-րդ՝ «Միջազգային հոգեբանություն» բաժանմունք, որի առաքելությունն է՝ «հարակից գիտելիքների բնագավառների հոգեբանների ազգամիջյան կապերի հետագա զարգացում և ամրապնդում, փոխայցելությունների, միջմշակութային հետազոտությունների, կլինիկական պրակտիկայի փոխըմբռնման բաշխում, ինչպես նաև ԱՀԱ-ի ընդհանուր խնդիրների իրականացմանը նպաստում»:

**Առաջին վեց տարիներին Բաժանմունք 52-ը դարձավ ԱՀԱ-ի արտակարգ ակտիվ մասնակիցը հետևյալ առումներով.**

1. Խմբագիր Իվան Կոսի նախաձեռնությամբ Բաժանմունք 52-ը հրատարակում է «Միջազգային տեղեկագիր» ամսաթերթը, որը ներկայացնում է աշխարհի զանազան երկրների հոգեբանության վերաբերյալ նյութեր՝ գրված առաջնակարգ հոգեբանների կողմից:
2. Կայքի մասնագետներ Ուիլյամ Մաստենի և Մուստաֆա Բալոգլուի նախաձեռնությամբ ստեղծվել է [www.apa.org/divisions](http://www.apa.org/divisions) ինտերնետային կայքը:
3. Իր անդամներին, անդամակցության թեկնածուներին, աշխատողներին և ուսանողներին առաջարկում է կայքի տարածք (web board) և ցուցակային սերվերներ (list servers):
4. Յուրաքանչյուր տարվա օգոստոս ամսին Բաժանմունք 52-ը կազմակերպում է մի ծրագիր, որտեղ բաժանմունքի անդամները և այլ անձինք ներկայացնում են իրենց հետազոտական աշխատանքները: 1998 թվականի ծրագրում ներկայացված են եղել 39 երկրների 120 հոգեբաններ:
5. Յուրաքանչյուր տարի Բաժանմունք 52-ը ստանում է անվանացանկեր ամենամյա պատվավոր պարգևատրումների համար հետևյալ անվանումներով՝ միջազգային հոգեբան, թեմայի ղեկավար, հետազոտող ուսանող, թեզ պաշտպանող, ֆեմինիզմի և գեղդերային հետազոտությունների բնագավառի հետազոտող:
6. Բաժանմունք 52-ն իր անդամներին ակտիվորեն ներգրավում է առավել կարևոր հետազոտական նախագծերում, ստեղծված է միջազգային ներկայացուցիչների (Liaisons) ինտերնետային ցանց: Բաժանմունք 52-ի անդամները կարող են գրքերի և այլ նյութերի գնումներ կատարել գեղջով:

Ի սկզբանե բաժանմունքը ստացել է ԱՀԱ-ի ղեկավարների (ներառյալ ԱՀԱ-ի գլխավոր կատարողական տնօրեն Ռայմոնդ Ֆաուլերի) ակտիվ օժանդակությունը: Բաժանմունք 52-ի առաջին 7 նախագահներից 4-ը նախկինում եղել են ամբողջ ԱՀԱ-ի նախագահը (նշված են աստղանիշով)՝ Էննսո Բեյլեր, Ֆլորենս Դենմարկ\*, Գլորիա Գոստեգեն, Ֆրանկ Ֆարլի\*, Չարլզ Սպիլբերգեր\*, Հարոլդ Թաֆուջյան, Ռիչարդ Վելլայո, Նորման Աբելես\*: Այս նոր բաժանմունքը սերտորեն համագործակցում է 1944 թվականին կազմավորված ՀՄՀԿ-ի (Հոգեբանության ոլորտի

միջազգային հարաբերությունների կոմիտեի) հետ, որի միջոցով ԱՄՆ-ի և ողջ աշխարհի հոգեբաններն ու ուսանողները կարող են դառնալ ԱՀԱ-ի Միջազգային բաժանմունքի անդամ՝ տարեկան մուծելով փոքր գումար. 2003-ին տարեկան անդամավճարը կազմել է 10 ԱՄՆ դոլար՝ ուսանողների և 20 ԱՄՆ դոլար՝ մասնագետների համար:

**Բաժանմունք 52-ն այսօր միջազգային անդամակցություն ունեցող 6 հոգեբանական կազմակերպություններից մեկն է:**

Դրանցից յուրաքանչյուրն ունի իր առանձնահատուկ առաքելությունը, որոնց մասին մանրամասնորեն գրված է Ջ. Բ. Օվերմիլերի և Ջ. Օվերմիլերի «Հոգեբանություն. հոգեբանական գիտությունների միջազգային միության գլոբալ ռեսուրսները» աշխատության մեջ, որ հրատարակվել է «Psychology Press»-ում և տեղադրված է [www.psycpress.co.uk](http://www.psycpress.co.uk) ինտերնետային կայքում:

### Կազմակերպությունների մասին հակիրճ տեղեկություն

- Կիրառական հոգեբանության միջազգային ասոցիացիան կազմավորվել է 1920 թվականին, այժմ ունի 2000 անդամ աշխարհի տարբեր երկրներում, սպագրում է տարեկան 4 անգամ լույս տեսնող «Կիրառական հոգեբանության միջազգային տեսանկյունները» ամսագիրը և 4 տարին մեկ հրավիրում է կոնգրես: ([www.iaapsy.org](http://www.iaapsy.org))
- Հոգեբանների միջազգային խորհուրդը հիմնադրվել է 1941 թվականին, այժմ ունի 1500 անդամ աշխարհի տարբեր երկրներում, սպագրում է «Միջազգային հոգեբան» ամսագիրը և իրականացնում է ամենամյա խորհրդակցություն: [www.icppsy.ch.tripod.com](http://www.icppsy.ch.tripod.com)
- Միջմշակութային հոգեբանության միջազգային ասոցիացիան հիմնադրվել է 1972 թվականին, ունի 800 անդամ, սպագրում է «Միջմշակութային հոգեբանություն» երկամսյա ամսագիրը և հրավիրում է ժողով 2 տարին մեկ անգամ: [www.iaccp.org](http://www.iaccp.org)
- Հոգեբանական գիտությունների միջազգային միությունը հիմնադրվել է 1951 թվականին, ունի 64 անդամ-պետություններ (անհատական անդամակցություն չունի), հրատարակում է «Հոգեբանության միջազգային ամսագիրը» և 4 տարին մեկ անգամ հրավիրում է «Հոգեբանության միջազգային կոնգրես»: [www.iupsys.org](http://www.iupsys.org)
- Միջազգային հոգեբանության ուսանողական կազմակերպությունը 1999 թվականից կազմավորման փուլում է, և մի շարք երկրների ուսանողներ անդամակցում են նրան:

Ամերիկյան հոգեբանական ասոցիացիայի Բաժանմունք 52-ի մասին մանրամասն տեղեկությունները տեղադրված են [www.tamu-commerce.edu/orgs/div52](http://www.tamu-commerce.edu/orgs/div52) Աինտերնետային կայքում: